

## Vorrede.

rectur genennet wird / am allermeisten in täglichem ge-  
brauch zu nutz komme. Denn durch rechten verstand  
derselbigen kan jede grosse vnd schwere Last mit leichtem  
vnd geschwindem vortheil bewegt / erhoben / gezogen / vnd  
wohin man nur begeret / gebracht werden: Es können  
auch dadurch mancherley seltsame nützliche vnd lustige  
Wasserkünste gemacht / vnd vielerley Mählwerck ange-  
richtet vnd gebawet werden: Ja es ist fast kein Handwerck  
so gering vnd schlecht / das sich nicht dieser Kunst mit gros-  
sem vortheil vnd nutz gebrauchen könne.

Si weil ich denn / Ehrveste / Alchtbare Hochgelehrte /  
hoch vnd wolweise Großgünstige Herrn / den vberaus gross-  
sen nutzen dieser Kunst in Publicis vnd privatis actionibus,  
vermercket / habe ich gentslich vermeinet / ich könnte auff  
dismal meine zeit nicht besser anwenden / als so ich gemei-  
nem Nutzen zum besten mich vnterstände / auch diese  
Kunst der Machination etwas gemeiner zu machen / vnd  
derselben subtile vnd nützliche Inventiones, in ein sonder-

):( iij